



SULEQATIGIISITSISUT  
SAMARBEJDSPARTIET  
UKA2019/147  
Tillie Martinussen

30. september 2019

**Uunga siunnersuut: Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq (Meeqqat illersuisuata aamma Meeqqat pillugit Siunnersuisoqatigiit ilaasortaasa piffissamik toqqagaaffiannik allanngineq)**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Naleqassutsimik nutaamik pilersitsissaagut, tassa; inuiaqatigiinni meeqqat tamaasa meeraraagut akisussaaffigaagullu. Uagut inunngortissimagaluarutsigit inunngortissimangikkaluarutsigilluunniit. Nunatsinni meeqqat tamaasa meeraraagut.

Taamatut isumaqarutta suaaginnarsinnaanngilagut angajoqqaat akisussaaffiat, tassanngaaniillu ingerlaqqilluta. Meeqqat pisuussutigaaqut pingaarnerpaat inatsisiliortullu tamanna suliniuteqarfigisariaqarpaat pingaarnerpaaq. Allatut iliussanngilagut.

Suleqatigiissitsisut qaqqap qaavanit tamanit, sumiiffinnit tamanit, nunanit tamanit, meeqqat tamaasa pillugit suli inuutilluta suaartartuassaagut:

Meeqqat tamarmik toqqissimasumik inuuneqarnissamik PISINNAATITAAFFEQARPAT. Meeqqat tamarmik kialaarnermik, asanninnermik, qanilaarnermik, peroriartornissamik, perlileratik inuunissamut, ilinniarsinnaanermut, toqqissimasunik atugaqarsinnaanermut, innarlerneqannginnissamik, nakuuserfigineqannginnissamik uumissorneqannginnissamillu PISINNAATITAAFFEQARPAT.

Inuiaqatigiittut angajoqqaat ajutooriaannaat meeqqallu navianartumiittut ataatsimut uparuartussanngilagut, inuiaqatigiittut meeraq atasiinnarluunniit ataatsimut immiiniissanngilarput, ataatsimut isiginnilluta akisussaaffeqassaagut iliuseqarlutalu.

Meeqqat inuusuttullu sapaatip akunnerani aningaasarsifimmi aammaarlutik aqqusinninniissapput, angerlarsimaffinnit allanngorarfiusunit qimaasarput, unnuiffissaqarneq ajorput, illersuisunut asannittunut nerisassaqarfiusunut siniffigisinnaasaminnullu uummatinut angerlarfissaqarneq ajorput. Inersimasunut toqqissimasunut. Inersimasunut akisussaassuseqartunut. Ikiuisunut. Inigisaqassapput, sinissinnaassapput, asaneqassapput, misigissusaat paasineqarsinnaassapput nerisassaqarlutillu. Ikiorneqassapput. Massakktut.

**Meeqqat pisinnaatitaaffiit sullissivimmut meeqqanillu illersuisunut qujanaq**

Meeqqat illersuisuannut sulisuinullu qasujaallutik meeqqat inuusuttullu nunatsinni oqaluuseritimmatigit qujanaq. Uummatip illersuisoraasi.

Nunatsinni assigiingitsuniittunut meeqqat pisinnaatitaaffiit tapersuisunut allanullu meeqqanik inuusuttunillu illersuisunut immikkut qujanaq. Siunissamut aqutissiuisuuvusi.

Anaanat, ataatat ilaqutariillu meeqqassinnik asannissinnaasut illersuisinnaasullu. Angajoqqaarsiat, pinartumik inissiivusartut paaqqinnittarfinnilu aqutsisut sulisuilu. Meeqqat inuusuttullu ullunniarni inuunerisa pitsaanerulersikkassiuk qujanaq.

politiinut, peqqinnissaqarfimmut, perorsaasunut, isumaginninnermi perorsaasunut, meeqqanik paaqqinninnermi ikiortinut, ilinniartitsisunut, ilinniagaqanngitsunut timersortartunut allanullu meerartatsinnik navianartumiittunik ajutooriaannaasunillu suliaqarassi ikiuuttarassi sorsuutiginnikkassilu



SULEQATIGIISITSISUT  
SAMARBEJDSPARTIET

qujanaq. Biilini, unnukkorsiornermi sunngiffimmilu meeqqat inuusuttullu navianartumiittut politikikkut inuiaqatigiittullu sooq sammissallugit pingaarnerpaajunerannik oqaloqatigiinnikkut isumassarsiassinnut, siunnersuutissinnut sorsuutiginninnissinnullu tamassinnut immikkut qujanaq. Aamma suliaasaq pingaarutilik pillugu sorsuutiginnippusi, suliaqarpusi.

Iliissinnut meeqqat sumiginnagaanatik, kinguaassiuutitigut innarlerneqaratik nakuuserfigineqaratillu pisinnaatitaaffeqarneralersinniarlugit nammineq pillusi oqaluttuanik saqqummiussisinnaagassi immikkut qujanaq. Uagullu politikerit naammattumik iliuseqanngikkaangatta akerliliisartut! Qujanaq!

Uanga nammineq inuunerma oqaluttuassartaat tamatigut ajornaatsuinnaanikuunngitsoq, børnehjemmimi, angajoqqaarsiani inissineqarneq ilanngullugu, nammineq ilaquuttama qaangiiniarnitsinnik oqaluttuassaq, tassani immitsinnut tikeqqilluta asaqqilerlutalu, qujanera pimoorussinimmeerpoq unneqarissumeerlunilu.

Inuit tamarmik inuunitsinni naapitagut tamarmik nakooqutigaat naggataatigut iluatsitsisanerat atugarliulerneralluunniit.

Sakkut uagut politikerisut innuttaasunut ajutooriaannarnut navianartumiittunullu atugassanngortitagut pitsaassuilimmik misiginnissuseqarlunilu ikiorsiinissamat atugassanngortittarpat. Tamanna pimooruttariaqarparput.

Ataatsimooraaanni tamanna pitsaanerpaajussaaq, ilisimasat ilisimatusarnerillu allaavigalugit misiginnissuseqarnermik kialaarnemillu ilallugit. Angusassalli anguneqarnissaannut piffissaq sivirusaaq.

### **Ajutooriaannaalluni peroriartorneq inersimasunik ajutooriaannarnik pilersitsisarpoq**

Toqqissisimalluni meeraalluni peroriartorneq immikkut pisinnaatitaaffiunngilaq. Taamaaginnarporli.

Meeqqat inuusuttullu tamarmik ilaqutariinni ajutoornermik oqaluttuassaqartuniittut, kingunerlutitsisut, sakkortuunik misigisaqartut PTSD-qartullu, aserorsimasut iluatsitsisinnissaat ajornanngilaq.

Ajornanngiinnanngilaq, aammali inuunerisa iluarsaannissaanik ikiornissaat, nutinnerillu seqernup qinngorfiuminartinnerugai oqaluttuutissalugit pingaaruteqarput.

Meeqqat Illersuisuat meeqqanillu sorsuutiginnittut allat piviusunngortitseqataasarput. Uagutsinnut inersuarmi maani politikerinut pingaarnerusumik suliaasaqanngilaq, soorlu periarfissatta annertunerpaat qulakkeerinniffiginissaat; meeqqat taamaalillunilu uagut nammineq siunissarput.

Siunissamik artornartorsiornermik, imminut toqunermik, pinerlunermik, atonerluinermik inuttulluunniit atukkanik ajortunik kingornussanik ingerlatseqqiinermik kinguneqartunik aqqissuussamik sinaakkusiisinnaavugut. Imaluunniit ilinniagaqarluni, iluatsitsilluni, siumukarluni inuiaqatigiinni akisussaassuseqarluni inuuneqalersitsisinnaasunik sapinngisamik amerlasuut katersorlugit aqqissuussamik sinaakkusiisinnaavugut.

Ajornanngitsuararsuovoq taamatullu ajornakusoortorujussuutigaluni.

Suliniutiginiakkagut meerartatta inuusuttortattalu ajutooriaannaat siunissaannik aalajangiisuussapput, suliniutiginiakkattalu qanoq sukkatigisumik sallerpaajutilernissaat meeqqat inuusuttullu ajutooriaannaat qanoq amerlatigisut annaanerannut aalajangiisuussapput.

### **Meeqqat ingerlaanaq tigussaasumik iliuseqarfigissavagut**

Siunnersuut pitsaasoq isumaqatigilluinnarparput. Kinaluunniit Meeqqat Illersuisuattut toqqarneqartoq annertoorujussuarmik pingaaruteqartumillu suliaasaqarpoq.



SULEQATIGIISITSISUT  
SAMARBEJDSPARTIET

Sulineq oqaluuserissallugit paqumigineqartunik atorunnaarsitsinermik, nipangiussinermik atorunnaarsitsinermik aamma meeqqanik inuusuttunillu sukumiisumik suliaqarnej meeqqat illersuisuata taassumalu sulisuisa uummataasa tusintinngorlutik aserornerannik kinguneqarsinnaavoq.

Uagut inuiaqatigiittut takunngisagut takusarpaat.

Meeqqat pisinnaatitaaffiit sullissivik oqartussallu allat meeqqat inuusuttullu atuartut paaqqinnittarfinniittulluunniit tilluusaqartut, isaat tilluusallit, kinguaasiuutitigut nappaatillit, ilaat perlilersut, ipertuut, sinippiarsimanngitsut oqaluttuarisarpaat

Meeqqat – immaqa tunuarsimaarlutik – nakuusernermik innarliinermillu, inersimasunit kanngutsaatsuliorfigineqarnermik oqaluttuurtut. Aamma meeqqat tamakku pillugit oqaluttuanngitsut. Isertuussat taartut sunillu tamanik aseruisut oqaluttarisinnaasariaqarpaat taamaaliornissamillu periarfissaqartariaqarlutik.

Anaanap ataatalu pitsaanngitsut oqaluttuaralugit imalluunniit inersimasuq imminnut ajortumik iliuuseqartup innarliisulluunniit unnerluutigalugu aporfiit naalliuutaasutt asseqanngitsut meeqqap qaluttuariniariaraalu iliuuseqarfigineqassaaq.

Meeraalluni oqarniarluni uagutsinnut paasisaanngitsumik nukinnik nassaartariaqarpoq.

Taamatut nukeqarnej inuiaqatigiittut pimoortissavarput pissutsillu taamaattut oqaluttuarineqartut sukanerpaamik iliuuseqarfigalugit.

Maannakkutuunngitsoq suliassanik suliarinnittarnej siviluallaarluni, inersimasullu taamaattunik aamma oqaluttuurtut, maannakkutuunngitsoq kikkut tamaasa isumaannatsumik atugassaqartinnissaat, inissiiuigallartumi innarlerneqarfiusinnaanngitsumi inississinnaanagit meeqqallu taakku pisariaqartitaannut aaqqiissutissanik nassaarsinnaanata. Periarfissat pissarsiarinissaannut sukkasuumik iliuuseqartariaqarpugut.

Inuit meeqqanik inuusuttunillu suliaqartut atorneqarluarsinnaasunik innersuusseriaaseqartariaqarput- Meeqqanut inuusuttunullu ajornartorsiortunut innersuussinissamut ikitsuararsuarnik periarfissaqarnerput nunami namminermi ajunaarnersuuvoq. ALLANNGORTITTARIAQARPARPUT ALLANNGORTISSALLUGULU.

### **Pinerluuteqartut ingerlaannaq iliuuseqarfigalugit – taakkununga neqerooritit**

Meeqqat inersimasullu nalunaaruteqarsinnaanermut periarfissaqartillugit pinerluuteqartunut sakkortuumik iliuuseqartariaqarpugut.

Aamma uumisaariniartut, malersuisut sakkortuumik iliuuseqarfigissavagut, ajortuliorfigineqartut isumannaatsumiinnissaat annertusassavarput, ingerlaannarlu imatut sakkortutigisumik nalunaaruteqarluta illersuineq salliutinneqalersillugu tulliuullugulu sulinialerluta.

Innarliisunik nakuusertunillu katsorsaanissamut pinaveersaartitsinissamulluunniit periarfissat pisariaqartinneqartorujussuupput, uanilu politikikkut aamma iliuuseqarsinnaavugut.

Tuluit Nunaanni kinguaasiuutitigut innarleeriaannaat innarliinissartik isumaliutigigunikku atorsinnaasaannik siunnersuiveqarpoq. Kinguaasiuutitigut innarliisut innarliinissaannik pinaveersaartitsinermi atorneqarsinnaasunik aamma pinaveersaartissinaanngisatta qanoq iliuuseqarfiginissaannik ilisimatusartoqarnikorujussuuvoq

Suliaq tamanna aallarleriartigu.

### **Isumassarsiorfeqarnej aaqqiissutissanullu periutsit**



SULEQATIGIISITSISUT  
SAMADJEEDSPARTIET

kammattuutigeqqissavarput maani nunatsinni ileqqoriliinnakkanik qaangiisut, ajortunik atugassaqarlutik peroriartornikut pitsaasumik qaangiisut aamma ilisimatusarfigissagigut.

Qanoq iliorpat?

Meerartagut inuusuttortagullu nukittuunngortinniarlugit, stressimik ajunaarnersuarmillu

iliuuseqarfiginnitsilerniarlugit inuunerminnilu pitsaasunik imatut qulakkeerinnitsigisimanerat inuunerminni kingunerluutit qanoq qaangiisimanerannik ilisimasat qanoq atussavagut?

Inuit inuunerat aserorsimasoq qanoq ilivitsunngortissavarput peqqissuutilerlugillu??

Siornatigut oqaatiginikuuara oqaatigeqqissallugulu:

Maani Kalaallit Nunaanni suleqatigiikkutta ineriartortitsisinnaavugut isumassarsiolutalu. Saqqummiininni uani killiliisariaqarpunga, ukuli oqaatigigallassallugit:

Danmarkimi Janus-centret meeqqanik innarlilinissamik, meeqqanik inuusuttunillu

innarliisunngoriaannaasunik pinaveersaartitsivoq,

Norgemi, Sverigemi Danmarkimilu Nakuuserneq Pinnagu Allatut Iliuuseqarneq-mi nakuusertunut ajortumik

iliuuseqartarnermik qaangiinissamik pisariaqartitsisunut sunniuteqartorujussuamik

pilersaatuteqartoqarpoq aamma ilaqutariit nakuuserfiusartut allannguisinnaanerannut nakuusertarnerullu

ingerlateqqinnginnissannut sunniuteqarluartunik periuseqartoqarpoq.

Red Barnet Danmark chatteredarfeqarpoq, tassani innarliinerit pillugit ernummatit pillugit internetikkut

nassitsisoqarsinnaalluni. Naalakkersuisut tamanna immaqa aallaavigisinnaavaat nittartakkamilu

immikkoortumik pilersitsisinnaallutik, chatteredarfimmilu politiit sulianillu suliaqarnermut immikkoortut

iliuuseqarsinaasut suleqatigiineqarsinnaallutik.

Meeqqanik atornerluisartut internetikkut ukapaatitsiniartut piviusullu kiisalu digitalingorlugu

attaveqarfinni ernumanartumik iliuuseqartut aamma meeqqat inuusuttullu taakkunani qanoq

iliuuseqarnerannut qanoq iliornissamut piareersamaneq pillugit ilinniartitsineq pillugu qanga

akuerineqartumik atuutilersinneqarnissaanilli maannakkumut sulit takusaqarfiginngisannik

saqqummiinikuuvunga.

Niviarsiaqqanik nukappiaqqanillu ajutooriaannarnik suliaqarneq misigissiutsit pillugit oqaluttuarternermik

suliaqarneq ilinniartitsinerlu, tapersersoqatigiinneq peqataatitsillunilu ataatsimoorfimmik pilersitsineq

pillugit amerlaqisunik atortoqarpoq, nunatsinni aamma nunani Nalagaaffeqatigiinnermi Nunanilu

Avannarlerni suleqatigisatsinni.

Nunat inoqqaavisa oqallittarfiini meeqqat inuusuttullu ataatsimoorfiinik paasisutissanik

isumassarsiorfiusinnaasanillu amerlaqisunik pissarsisisoqarsinnaavoq kiisalu ileqqoriliinnakkanik qaangiisut

ilisimasarpasui pissarsivigineqarsinnaallutik.

### **Kisitsisit nikallornartut, kisiannili iliuuseqavinnissammut periarfissaqarneq**

Ilaatigut tusartarpara meeqqat inuusuttullu taamatut amerlatigisut assigiinngitsunik ajortorsiuteqartut

nikallornaqisoq taamaammallu neqerooruteqarnissaq ajornakusoorluni.

Tamanna illuatungaanut saatikkusuppara, oqarlungalu tamassuma uagutsinnut nukituunngortitsinissaanut

imaannaanngitsunik periarfissaqarpugut.

Nunatsinni inuit amerlanngilagut, akerlianilli tamanna isumaqarpoq meeqqanut ataasiakkaanut

immikkorluinnaq iliuuseqarnermi atornerqarsinnaasnik qanilluinnartunik aalajangersimasunik iliuusissatut

pilersaarusersinnaasugt.



SULEQATIGIISITSISUT  
SAMARBEJDSPARTIET

Taamaaliorusukkutta meeqqanut immikkuullarilluinnartunik pitsaasunik atugassaqaatitsisinnavugut pitsaalluinnartunillu immikkuualuttunngorlugit iliuuseqarsinnaalluta. Pisariaqaannarput piffissaqarusunnerput, nukissaqarnerput tamannalu pillugu ilisimasaqarnissarput. Pinaveersaartitsissaagut pitsanngorsaallutalu. Ilaqutariinni, peqqinissaqarfimmi, ilinniatitsivinni il.il. Suna suliarissanerlugu eqqarsaasorsinnaannginnerput isumaqanngilaq tamanna pisinnaanngitsoq.

**Peqataatitsineq, allat misigissusaannik paasinnissinnaaneq, asannineq pitsaassusilimmillu ikiuineq**

Inuiaqatigiinni inuit allat pitsaanerpaanik atugaqarnissaat tunngaviusumik kissaatigaarput. Inuiaqatigiit, pingaartumillu inuusuttut, tunngaviusumik pitsaasorpassuarnik siunertaqarput aammalu meerartatta inuusuttortatalu, pingaartumik meerartagut inuusuttortagullu ajutooriaannaasut navianartumiittullu, atugaasa allanngortinnissaat tunngaviusumik kiisaatigilluinnarparut.

Tamanna aallaavigissavarput, innuuttaasullu ataqaatigiinnerannik pitsanngorsaasunik sammisaqartitsilerluta ataatsimoornerporlu pitsanngorsarlugu, avatangiisigut kusassarlugit meerartartinnik inuusuttortatsinnillu tusarnaartitsilersinnaasunik. Taakku pitsaalluinnartunik siunnersuutissaqarput.

Nakuussuseq sunaanersoq inuiaqatigiittut nassuiaasersoqqissavarput.

Oqaloqatigiinnerit, eqqissilluni aaqqiagiinngissutiniq aaqqiisinnaaneq pitsanngorsassavagut.

Nakuussuseq tassaavoq isumatusaarneq, allat misigissusaannik paasinnissinnaaneq, peqataatitsineq ataatsimoorneq..

Nakuussuseq tassaavoq peqqinnartunik ataatsimooqateqarfeqarniarneq, qinngasaarinernik akuersinnginneq, siaassutiniq nikanarsaalluni oqaaseqarnernik akuersinnginneq, suaiaassuseqatiminnik atoqateqartartunik akuersinnginnernik akuersinnginneq pingaartumillu nakuusernernik, innarliinernik nalunaaruteqartarneq aamma eqqortumik ikiorneqarnani pitsaasumik inuuneqarnissap ajornakusoorsinnaanera nalinginnaasuusooq.

Nakuussuseq aamma tassaavoq asersuutigalugu angerlarsimaffeqanngitsut, imerajuttut, meeqqat inuusuttullu ajorteriaannaat, inuiaqatigiinni innuttaasut navianartumiittut annertunerpaamik periarfissarigigut, atugarissaarnerup, suliffeqarnerup siunissamilu inuunnernik pitsaassusaata pitsanngortinnissaat. Eqqortumik pitsaassusilimmik ikiorneqarunik. Amerlanerpaat tamakku qaangerneqarsinnaasut ilisimaneq ajorpaat. Qaangerneqarsinnaappulli.

Inuuneq aamma innuttaasut ajorteriaannaat pitsaanerulersissinnaavaat, meeqqat inuusuttullu ajorteriaannaat ullumikkut misigisartagaat aammalumi takorloorsinnaasaat.

Meeqqat inuusuttullu inunngornissamik qinnuiginninnikuunngillat, amerlasoorpassuilli peroriartornermini sakkortuunik atugassaqaarsimagunik inuusuttutut inersimasutulluunniit imminnut toqottarput.

Qaammarsaaneq, ilinniagaqarneq ilaqutariinnilu perorsarsimaneq eqqarsaatigalugit piffissaq suli siviussaaq.

Sakkortuunik atugaqaarsimalluni peroriartorsimaneq ajunngilaq, ilumi qernertoqarnera aliasunnerlu ajunngillat. Pissutsit nalinginnaasuunngitsut qisuariarfigissallugit ajunngilaq, nuannaannginneq ajunngilaq.

Ikiortissarsinnginneq ajorpoq, ikiortissaasuaneq ajorpoq.

Ingerlaniaannartoqarsinnaagaluartoq ingerlaniaannartoqassanngilaq.

Politikkikkut pissaaneq atussavarput suliaqalerlulalu. Tunnulissuaq qanoq nerineqartarpa.

Oqummiuteqattaartarlugu, suliaasaq annertugineqarsinnaavoq aaqqiivigineqassaarli.



SULEQATIGIISITSISUT  
SAMARBEJDSPARTIET

### **Kinaluunniit kisimiinngilaq, ataatsimoorutta angusaqarnerussaagut**

Innuttaasut uagullu inuttut nammineq akisussaaneq suna ilimagisinnaagunarpaput?

Angajoqqaat suliasamik suliarinnissinnaangitsut nammineersinnaanerit ilimagisinnaangilarput.

Aamma kikkut tamarmik taamaaliorusunnissaat ilimagisinnangilarput.

Imaasinnaavoq imatut ajoqusersimatigisut kivitsinnaanik imaluunniit pissutsit imatut ajortigisuni inuusut nammineq kivitsinnaanatik, aamma pilersaarutit ingerlatsinernillu angajoqqaat ajornartorsiutaannik aalajangersimasunik suliniuteqarnissaq naggataatigullu pisariaqassappat meeqqat inissineqarnissaat aalluttariaqarpagut. Taamaaliornikkut tarnikkut inuunerat siunissaallu annaatissavagut.

Tassunga peqatigitillugu inuiaqatigiittut allat uagullu avatangiisittalu peqqinnartunik ileqqoqarnissaat sungiuttariaqarpaput.

Uagut inersimasut maligassiulluartaavugut.

Pitsaasunik eqqarsariaqartat, Meeqqat Inuusuttullu pillugit sammisaq katersuuffigisigu, nassuerutigalugulu siunissami kinguaariit pitsaanagerusunik atugassaqtinnilugit ikiuisinnaasut TAMAASA atorfissaqtikkigut

Inersuarmilu maani oqaluinnassangilagut, aamma avatitsinni inuussaagut. Suliamut aningaasanik, piffissamik, isumalluutit atugassiissaagut neriuteqartitsillutalu.

Meeqqat inuusuttullu navianartumiittut, meeqqat inuusuttullu innarlerneqartut, kinguaassiuutitigut innarliinerit, sumiginnaanerat atugarissaanginnerlu ANNIKILLISSAVAGUT.

Siunissaannut uagut maani Inersuarmiittut aamma inuiaqatigiinni inuit pitsaasut tamarmik ataatsimoorutut, piunassutsiminnik sulisut, angajoqqaarsiat, ilaqutariinnik ajornartorsiortunik ikiuisut ullut tamaasa makittartut, suliaortartut ilaqutariinnut, meeqqanut inuusuttunullu nammineersinnaangitsunut ikiorneqarnissamillu pisariaqartitsisunut iliuuseqartartut apeqqutaavugut.

Meeqqat Illersuisuannut sulisunullu nalitoqisunut tamatigut peqatigiilluinnartunut qujanaq.

Suliaqaqaasi neriuppungalu Innarluutillit Illersuisuat assingit atugassaqaalissasoq.

Taamaammat naggasiullugu Naalakkersuisut apererusuppakka Innarluutillit Illersuisuata sulinera assingit nalilersoqqissanersoq ilimagineqarsoq?

Taamatut oqaaseqarlunga siunnersuutit uuma akuerineqarnissaa inassuteqaatigaara.

Meeqqat inuusuttullu, meeqqat inuusuttullu ajutooriaannaat navianartumiittullu pillugit sammisaq nalitsinni sammisaq pingaarnerpaajussaaq.